

Әл-Фараби атындағы ҚазҰУ оқу-әдістемелік кешені

Мамандығы: Құқықтану

Шифр: 5В030100

Пән: Криминалистика

4. СӨЖ арналған тапсырма

СӨЖ № 1

Тақырыбы: Сот фотографиясы. Кәсіби дағдыларды маман ретінде жүзеге асыру.

Тапсырма: Сот фотографиясының әдістерін пайдаланып оқиға болған жерді панорамалық, масштабты әдістер арқылы бағдарлы, шолып, түйінді және детальды фото суретке түсіру. Тұлғаны сигналетикалық әдіспен түсіру. Фотосуреттерді басып шығару.

Тапсырманың сипаттамасы: Криминалистік полигонда алдын ала ойластырылған фабула бойынша оқиға болған жерді қарау тергеу әрекетінің барысын фотоаппарат пен бейне жазбаға бекітіп алу. Суретке түсіру кезінде криминалистік фотосуреттің барлық жалпы және жеке әдістері қолданулары қажет. Студентке криминалист-маман ролінде кәсіби дағдыны жүзеге асыру міндеті жүктелген. Дайын фотосуреттерді оқиға болған жерді қарау хаттамасына қосымша ретінде альбомға бекіту.

Тапсыру формасы: Альбом толтыру.

Орындау мерзімі: 3 апта

Бағалануы: әр студентке 1 бал

СӨЖ № 2

Тақырыбы: Трасология. Кәсіби дағдыларды маман ретінде жүзеге асыру.

Тапсырма: Қол саусағының, аяқ киім іздерін оқиға болған жерде табу, анықтау, бекітудің әдістерін қолданып альбомға оқиға болған жерді қарау хаттамасының үзіндісі ретінде толтыру.

Тапсырманың сипаттамасы: лабораториялық жағдайларда әртүрлі тегіс, құрғақ объектілерде қалдырылған қол саусағының папиллярлы іздерін дактилоскопиялық ұнтақ пен техникалық құралдардың көмегімен анықтап, тауып, дактилоскопиялық пленкаларға түсіріп алу. Топырақ немесе құм жерде қалдырылған аяқ киімнің ізін гипс ерітіндісінің көмегімен алу. Аяқ із жолының өлшемдерін алып схемасын сызып көрсету. Алынған пленкалар мен мәліметтерді оқиға болған жерді қарау хаттамасының үзіндісі ретінде сипаттау.

Тапсыру формасы: Альбом толтыру.

Орындау мерзімі: 4 апта

Бағалануы: әр студентке 1 бал

СӨЖ № 3

Тақырыбы: Баллистика. Кәсіби дағдыларды маман ретінде жүзеге асыру.

Тапсырма: Ату құралы – сот баллистикасының зерттеу объектісі ретінде оқиға болған жерде объектілерді табу, бекіту және алу. Атыс қару-жарағының, оқ-дәрілердің сипаттамасын, патронның құрама бөлігі: гильза, капсюль, порох, тығын, оқ, бытыра және картельдің сипаттамасын, ату іздерінің сипаттамасын альбомға оқиға болған жердің жерді қарау хаттамасының үзіндісі ретінде толтыру.

Тапсыру формасы: Альбом толтыру.

Орындау мерзімі: 5 апта

Бағалануы: әр студентке 1 бал

СӨЖ № 4

Тақырыбы: Құжаттарды криминалистикалық әдістермен зерттеу. Кәсіби дағдыларды маман ретінде жүзеге асыру.

Тапсырма: Студент алдын ала жазып дайындалған мәтіндегі қолжазбаның жалпы және жеке белгілерін анықтауы қажет. Зерттеу қолжазба мәтіні мен салыстырмалы үлгілермен жұмыс жүргізу. Жалған жасалған құжаттың сипаттамасын альбомға оқиға болған жерді қарау хаттамасының үзіндісі ретінде толтыру.

Тапсыру формасы: Альбом толтыру.

Орындау мерзімі: 6 апта

Бағалануы: әр студентке 1 бал

СӨЖ № 5

Тақырыбы: Габитология. Кәсіби дағдыларды маман ретінде жүзеге асыру.

Тапсырма: Сот фотографиясы бойынша түсірілген сигналитикалық фотосуреттен адамдың сыртқы бейне белгілерінің жүйесі: өзіндік және жалғаспалы белгілері бойынша сипаттамасын беру. Альбомға сигналитикалық фотосуреттің терминологияны дұрыс пайдаланып жазу.

Тапсыру формасы: Альбом толтыру.

Орындау мерзімі: 7 апта

Бағалануы: әр студентке 1 бал

СӨЖ № 6

Тақырыбы: Криминалистикалық тіркеу. Кәсіби дағдыларды маман ретінде жүзеге асыру.

Тапсырма: Дактилокартаны жасау және оның дактилоскопиялық формуласын шығару.

Тапсырманың сипаттамасы: лабораториялық жағдайларда студенттер типографиялық бояғышты немесе арнайы дактобояғыштар мен құрал-жабдықтарды қолданып дактокартаға қол саусақтарының папиллярлы өрнектерін бастырып түсіріп алады. қол саусақтарының іздерін формула бойынша негізгі және қосымша формуласын есептейді.

Қосымша есептер:

1. Дактилоскопиялық формуланың негізгі бөлігі бойынша оның негізін анықтаңыз: 78968 / 17329

2. Дактилоскопиялық формуланың негізгі бөлігі бойынша қай саусақта шеңбер тәріздес өрнектің бар екенін анықтаңыз. 15 / 17

3. Дактилоскопиялық формуланың қосымша бөлігі бойынша оның негізін анықтаңыз: 87349 / 15682

4. Дактилоскопиялық формуланың негізгі бөлігі бойынша қай саусақта шеңбер тәріздес өрнектің бар екенін анықтаңыз. 9/11

5. Дактилоскопиялық формуланың қосымша бөлігі бойынша оның негізін анықтаңыз: 31785 / 91347

6. Дактилоскопиялық формуланың негізгі бөлігі бойынша қай саусақта шеңбер тәріздес өрнектің бар екенін анықтаңыз: 27 / 19

7. Дактилоскопиялық формуланың қосымша бөлігі бойынша оның негізін анықтаңыз: 31645 / 82546

8. Дактилоскопиялық формуланың негізгі бөлігі бойынша қай саусақта шеңбер тәріздес өрнектің бар екенін анықтаңыз: 16 / 4

Тапсыру формасы: Альбом толтыру. Есептерді шығару

Орындау мерзімі: 7 апта

Бағалануы: әр студентке 1 бал

СӨЖ № 7

Тақырыбы: Оқиға болған жерді қарау тактикасы. Топтық жоба.

Тапсырма: Топ студенттері оқиға болған жерді қарау тергеу әрекетін жүргізіп, техникалық құралдарды (фотоаппарат, бейне таспа) пайдалана отырып, нәтижелері бойынша хаттаманы дайындау.

Тапсырманың сипаттамасы: Мәйіттің табылу фактісі бойынша ІІО-ның кезекші бөліміне келіп түскен хабарлама негізінде тергеуші оқиға болған жерді қарау тергеу әрекетін жүргізеді. Студент тергеушінің ролінде тергеу әрекетіне қатысты дайындық шараларын: тергеу тобын (студенттердің арасынан қатысушыларды анықтап іріктеу) құру, тергеу әрекетіне қатысушыларға инструктаж беру, техникалық жағынан қамтамасыз ету (тергеу чемоданы және т.б.); жұмыс кезеңінің ұйымдастыру: арнаулы криминалистік полигондарда жалпы және детальды қарауды жүргізу; тергеу әрекетінің нәтижесін бекіту (хаттама толтыру). Тергеушімен қатар «Мен криминалист-маманмын», «Мен жедел-ізвестірушімін», «Мен сот медицина қызметкерімін» ролдері бөлінген. Әр студент алдын ала теориялық жағынан дайындалып (ҚІЖК, «Сараптамалық қызмет туралы заңның» баптарындағы көрсетілген құқықтары мен міндеттерін, өкілеттілігі мен құзыретімен танысып, криминалистік тактика бойынша оқиға болған жерді қарау тергеу әрекетінің тактикалық және психологиялық аспектілерін зерттеп) оқу тергеу әрекеті барысында өзіндік жеке тұлғалық тараптан көрсетіп қатысады.

Тапсыру формасы: Хаттама толтыру.

Орындау мерзімі: 9 апта

Бағалануы: әр студентке 1 бал

СӨЖ № 8

Тақырыбы: Тінту тактикасы.

Тапсырма: Топ студенттері тінту тергеу әрекетін жүргізу барысын техникалық құралдарды (бейне таспа) пайдалана отырып түсіріп, нәтижелері бойынша хаттаманы дайындайды. **Топтық жоба.**

Тапсырманың сипаттамасы: топ студенттерінің арасынан тінту тергеу әрекетін жүргізетін тергеуші тағайындалады. Студент тергеушінің ролінде тергеу әрекетіне қатысты дайындық шараларын: тергеу тобын (студенттердің арасынан қатысушыларды анықтап іріктеу) құру, тергеу әрекетіне қатысушыларға инструктаж беру, техникалық жағынан қамтамасыз ету (тергеу чемоданы және т.б.); жұмыс кезеңінің ұйымдастыру: арнаулы криминалистік полигондарда тінту жүргізу; тергеу әрекетінің нәтижесін бекіту (хаттама толтыру). Тергеушімен қатар «Мен криминалист-маманмын», «Мен жедел-ізвестірушімін», «Мен сезіктімін» ролдері бөлінген. Әр студент алдын ала теориялық жағынан дайындалып (ҚІЖК баптарындағы көрсетілген құқықтары мен міндеттерін, өкілеттілігі мен құзыретімен танысып, криминалистік тактика бойынша тінту тергеу әрекетінің тактикалық және психологиялық аспектілерін зерттеп) оқу тергеу әрекеті барысында өзіндік жеке тұлғалық тараптан көрсетіп қатысады.

Тапсыру формасы: Хаттама толтыру.

Орындау мерзімі: 10 апта

Бағалануы: әр студентке 1 бал

СӨЖ № 9

Тақырыбы: Жауап алу тактикасы.

Тапсырма: Топ студенттері жауап алу тергеу әрекетін жүргізу барысын техникалық құралдарды (аудио, бейне таспа) пайдалана отырып түсіру арқылы нәтижелері бойынша хаттаманы дайындау. **Жауап алуды диктофонға, бейне таспаға жазып, хаттама толтыру.**

Тапсырманың сипаттамасы: топ студенттерінің арасынан жауап алуды жүргізетін тергеуші тағайындалады. Студент тергеушінің ролінде тергеу әрекетіне қатысты дайындық шараларын жүргізеді: жауап алу пәнін анықтау, қойылатын сұрақтар шеңбері, дәлелдеме ретінде көрсететін айғақты заттар, жауап алудың жоспарын жазбаша құру,

техникалық жағынан қамтамасыз ету (диктофон). Топтың арасынан жауап беруші тұлға ретінде (куә, жәбірленуші, сезікті, айыпталушы) студент таңдалынады. Жауап алудың барысы диктофонға жазылады. Ең соңында тергеу әрекетінің нәтижесі хаттама түрінде бекітіледі. Әр студент алдын ала теориялық жағынан дайындалып (ҚІЖК баптарындағы көрсетілген құқықтары мен міндеттерін, өкілеттілігі мен құзыретімен танысып, криминалистік тактика бойынша жауап алу тергеу әрекетінің тактикалық және психологиялық аспектілерін зерттеп) оқу тергеу әрекеті барысында өзіндік жеке тұлғалық тараптан көрсетіп қатысады.

Тапсыру формасы: Хаттама толтыру.

Орындау мерзімі: 11 апта

Бағалануы: әр студентке 1 бал

СӨЖ № 10

Тақырыбы: Тергеу экспериментінің тактикасы.

Тапсырма: Топ студенттері тергеу эксперименті тергеу әрекетін жүргізу барысын техникалық құралдарды (бейне таспа) пайдалана отырып түсіру арқылы нәтижелері бойынша хаттаманы дайындау. **Топтық жоба, хаттама толтыру**

Тапсыру формасы: Хаттама толтыру.

Орындау мерзімі: 12 апта

Бағалануы: әр студентке 1 бал

СӨЖ № 11

Тақырыбы: Тану үшін көрсету тергеу әрекетінің тактикасы.

Тапсырма: Топ студенттері тану үшін көрсету тергеу әрекетін жүргізу барысын техникалық құралдарды (бейне таспа) пайдалана отырып түсіру арқылы нәтижелері бойынша хаттаманы дайындау. **Топтық жоба, хаттама толтыру**

Тапсыру формасы: Хаттама толтыру.

Орындау мерзімі: 13 апта

Бағалануы: әр студентке 1 бал

СӨЖ № 12

Тақырыбы: Қылмыстың жекелеген түрлерін тергеу әдістемесі

Қылмыстың жекелеген түрлерін тергеу әдістемесінің түсінігі және міндеттері. Қылмыстың жекелеген түрлерін тергеу әдістемесінің құрылымы.

Тапсыру формасы: Реферат

Орындау мерзімі: 14 апта

Бағалануы: әр студентке 1 бал

СӨЖ № 13

Тақырыбы: Есірткі мен психотропты заттардың заңсыз айналымымен байланысты қылмыстарды тергеу.

Тапсырма: «Мен тергеушімін».

Тапсырманың сипаттамасы: тергеуші ретінде тандалған студент осы санаттағы қылмысты тергеудің жоспарын құрып, тергеудің барысын анықтауы қажет. Студент алғашқы және кейінгі тергеу әрекеттерін жүргізу кезектілігін, типтік тергеу ситуациясын, тергеу болжауларын көрсете отырып тергеудің жобасын (жоспарын) презентация түрінде көрсетіп қорғайды.

Ұсыныстар: студент алдын ала есірткі мен психотропты заттардың заңсыз айналымымен байланысты қылмыстардың криминалистік сипаттамасын теориялық жағынан оқып, тергеудің әдістемесін зерделеуі қажет. Қарастырылатын сұрақтар: қылмыстық қол сұғу затының ерекшеліктері, олардың Қазақстан Республикасының «Есірткі, психотроптық

заттар, прекурсорлар және олардың заңсыз айналымы мен теріс пайдаланылуына қарсы іс-қимыл шаралары туралы» туралы заңына сәйкес сипаттамасы. Есірткі мен психотроптық заттардың түрлері. Есірткі мен психотропты заттардың заңсыз айналымымен байланысты қылмыстар бойынша типтік тергеу ситуациялары және болжаулар. Тергеудің алғашқы және кейінгі кезеңдері.

Тапсыру формасы: Презентация

Орындау мерзімі: 14 апта

Бағалануы: әр студентке 1 бал

СӨЖ № 14

Тақырыбы: Ұйымдасқан қылмыстық қызметті тергеу ерекшеліктері. Ұйымдасқан қылмыстық топпен жасалған қылмыстардың криминалистік сипаттамасы. Типтік болжаулар. Типтік тергеу ситуациялары. Алғашқы тергеу және жедел-іздігіру әрекеттері.

Тапсыру формасы: Конспектіні тексеру

Орындау мерзімі: 15 апта

Бағалануы: әр студентке 1 бал

СӨЖ № 15

Тақырыбы: Тергеуге қарсылық көрсету, оларды жою жолдары. Қарсылық көрсетудің түсінігі, олардың формалары.

Тапсыру формасы: Конспектіні тексеру

Орындау мерзімі: 15 апта

Бағалануы: әр студентке 1 бал

Криминалистика пәні бойынша СӨЖ орындау және реферат жазуға әдістемелік нұсқау

Бұл жұмысты (реферат) жазудағы студенттің алдына қойылатын жалпы міндет пен мақсаттың өзіндік ерекшеліктері бар. Жұмысты жазуда, арнайы оқулықтармен ғана шектеліп қоймай, студент өзі тұратын жерде болған қылмыстық істерді оқып, тергеу практикасын пайдалана білуі қажет. Бұл келтірілген сот немесе тергеу тәжірибесі, осы аудандағы, облыстағы аталған қылмыс түрімен күрес жүргізуде қандай нәтижелер берді, СӨЖ тапсырмаларында және реферат жұмыста мысал ретінде жазылуы тиіс.

Жұмысқа пайдалану үшін зерттелген ізденістер тізімі қолданылған әдебиеттерден кейін тіркеледі.

Қортындыда студент әрбір танысқан іс бойынша тергеу жүргізу кезінде тактикалық дұрыс шешілген мәселені, сондай-ақ тергеушінің техникалық құралдар мен әдіс-тәсілдерді қолдануда кеткен кемшіліктерді көрсетеді.

Рефераттың бірінші бетінде баяндалатын тақырыпқа сәйкес жұмыс жоспары құрылады. Криминалистика пәнінен реферат жұмыс жазуда, студенттердің көпшілігі мазмұны жағынан негізгі тақырыптан әлдеқайда ауытқуы байқалады, осы кемшіліктерді болдырмауға баса назар аударылуы қажет.

Жұмысты жазу барысында міндетті түрде ғылыми деректерге сүйеніп, жұмыстың атауын, қолданылған әдебиеттердің шығарылған баспасын, жылын және бетін нақты көрсетіп жазу керек.

Егер оқулықта баяндалатын мәселе туралы әртүрлі көзқарастар, пікірлер болса, онда студент олардың әрқайсысын дәлел ретінде көрсетіп, өзінің қай көзқарасқа қосылатынын не қосылмайтынын білдіреді.

Криминалистика пәні бойынша альбом орындауға әдістемелік нұсқау.

Студент бақылау жұмысын орындамастан бұрын, криминалистика пәні бойынша ұсынылған оқу бағдарламасына сәйкес әдебиеттерді, сондай-ақ қосымша басқа да ғылыми материалдарды оқып зерттеуі қажет.

Ұсынылып отырған тапсырмалар тек қана теориялық білімді талап етіп қана қоймай, сонымен қатар әртүрлі объектілерді (айғақты заттарды, дәлелдерді) іздеп тауып бекіту, алу және зерттеу үшін пайдаланатын криминалистік әдістер мен тәсілдерді, оған қажет техникалық құралдарды тәжірибе жүзінде қолдана алуын талап етеді. Сондықтан да жұмыс барысында тәжірибелік біліктігін арттыру үшін студент бар мүмкіншілігін пайдалануы керек.

Сондай-ақ, фотоаппараттың құрылысын, оның тергеу үстінде қолдану міндеттеріне байланысты тәсілдері мен әдістерін жете меңгеруі қажет.

Бақылау жұмысы қолжазба түрінде мектеп, сурет дәптері немесе стандартты ақ қағазға орындалады.

Берілген тапсырма бойынша фотосуреттер 9x15 немесе 10x15 форматымен дайындалады және сурет шарты бойынша қағаз бетіне жапсырылады. Жапсырылған жеке қалташада әрбір түсірілген суреттің негативі қоса тіркеледі. Түсірілген суреттің сапасы, сот-оперативті суретінің талабына сай келуі керек.

Тапсырмалар берілген реті бойынша орындалуы керек. Әр жауап алдында тапсырмалар шарты толық түрде көрсетілуі қажет.

Бақылау жұмысына берілетін рецензияда, ұсынылған тапсырмаға берілген жауаптың толық орындалу мазмұны және оны орындаудың барлық шартын сақтауы ескеріліп, осының бәріне баға беріледі.

СӨЖ дайындау үшін материалдарды оқудың кестесі

Аптала	1	2	3	4	5	6	7	8	9	10	11	12	13	14	15
СӨЖ №			1	2	3	4	5,6		7	8	9	10	11	12,13	14,15
Баллдардың саны			1	1	1	1	2		1	1	1	1	1	2	2

СОӨЖ дайындалу үшін материалдарды зерделеу кестесі

№	Тақырыптардың атауы және СОӨЖ тапсырмаларының мазмұны	тапсыру мерзімі	бақылау нысаны және баллдар
	Идентификация мен диагностика Идентификацияның түсінігі, ғылыми негізі,	3 апта	Конспект 2 бал

